



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

**Parisiis, 1644**

Epistola XIV. Alexandri Papae II. Ad Evmдем. Monet iterum vt duorum clericorum Rhemensium causam terminet.

**urn:nbn:de:hbz:466:1-15625**

ALEXANDRI PAPÆ II.  
 EPISTOLA XIV.  
 ALEXANDRI PAPÆ II.  
 AD EVMDEM.

Monet iterum vt duorum clericorum Rhemenſium  
 cauſam terminet.

*Alexander episcopus ſeruus ſeruorum Dei Geruaſio venerabili  
 confratri Rhemorum archiepiscopo ſalutem & apoſtolicam  
 benedictionem.*

**M**IRAMVR diligentiam tuam, dilectiſſime frater, auctoritatem noſtram ita parui pendere, vt ea, quæ crebris orationibus noſtris digne admoneris atque rogaris, minime videaris perficere. Si enim aliquis in tui auxilii fauore conſiſus a patribus noſtris ad te veniendi fatigium arriperet, & in confidentia ſua deceptus nihil proficeret, credimus quod caritas tua non parum doleret. Vt enim de patientia noſtra interim taceamus, qua fiducia beatiffimum Petrum, cæleſtis regni clauigerum, in tuis petitionibus vales inuitare; cum iam per biennium ii, qui eius patrocinium longis itineribus, grauibusque laboribus petierunt, fere nihil, nobis vice ſua instantibus, adhuc potuerunt impetrare? Cum enim in hac petra, in qua Chriſti eccleſia ædificata eſt, ſingulare ſit refugium tribulantibus conſtitutum, vt qui ad eam confugiunt ſemper ſoleant inuenire ſolacium: huiuſcemodi tempore noſtro euacuari Romanæ eccleſiæ priuilegium, diſſimulando ferre non poſſumus. Quapropter fraternitatem tuam his noſtris affatibus diligenter admonemus, atque admonentes præcipimus, vt ita te nunc in cauſa Manæſſe & Amalrici eccleſiæ tuæ clericorum pium reddas, ita benignum exhibeas, quo vltcrius aures noſtræ inde querelam non audiant: quatenus ſicut in vno cœpiſti reſtaurationem, ita iuſta executione perficias in vtroque: quia non incipientibus, ſed perfeuerantibus promittitur præmium. Si autem in hac re verba noſtra tibi leuia fuerint, amicitia inter nos durare non poterit.